

Pakete di edukashon grátis di Greenkidz pa tur skol na Kòrsou

Dia 20 di ougùstùs próksimo ta World Mosquito day. Desde e dia akí tur skol di fundeshi i skol di enseñansa spesial por buska un pakete di edukashon grátis na Boekhandel Mensing's Caminada. E pakete di edukashon nobo di Greenkidz ta tokante prevenshòn di sangura. Den dje tin poster, plachi di klür, buki kreativo i un manual pa dosente. Ademas riba e wèpsait www.greenkidz.org tin hopi mas material di lès grátis tokante prevenshòn di sangura, ku por download na ulan des i papiamentu.



World Mosquito Day

Koordinadó di Greenkidz Maya Mathias: "Komo tim durante sigur un año nos tabata okupá ku desaroyo di nos pakete di lès tokante ditéktif di sangura. Ku sosten di Rotary Club Curaçao, ENNIA, VNW, Lions Dive & Beach Resort i SWAP/APG nos a traha un kolekshon di material pa lès i e-learns digital masha bunita mes pa tur isla di Dutch Caribbean. Dia 20 ougùstùs rònt mundu ta World Mosquito Day; un dia perfekto pa lansa nos pakete di edukashon!"

Muskita no solamente ta ferfelu, nan por ta peligroso tambe. E sangura Aedes Aegypti ku ta biba riba tur isla di Dutch Caribbean ta plama por ehèmpel chikungunya, dengue i zika, ku por hasi bo basta malu.

Mathias: "Nos ta haña importante pa fo'i chiki un mucha sa kon pa buska i evitá nèshi di sangura, i tambe kon protehá su mes kontra piká di sangura. P'esei awor nos a desaroyá un programa interaktivo i investigativo pa tur mucha di Dutch Caribbean.



Buki kreativo tokante sangura pa hinter famia

Greenkidz Foundation ya pa 7 año kaba ta desaroyá programan di edukashon bérde pa skol di fundeshi i di enseñansa spesial. A tèst e programa di edukashon mas nobo akí "No duna sangura chèns" na Schotborg School na Koral Specht, Blenchi School na Otrobanda i durante vakantieplan K'Alegria na Bonam. Mathias: "Nos ta kontentu ku a risibí nos programa ku asina tantu entusiasmo, i nos tin petishon di diferente skol pa e año eskolar nobo."

Mathias: "Ku sosten di ENNIA nos a desaroyá un buki kreativo masha bunita mes tokante sangura, den 4 idioma: papiamento, papiamento, ulandes i ingles. Ta un regalu hopi interesante i edukativo pa hinter famia. E ta yená ku plachi di klür i di mira, wega, púzel i tep di prevenshòn práktiko. E buki kreativo akí ta na benta na Mensing's Caminada pa NAF 17,50. Greenkidz ta usa e fondo rekoudá pa duna lès tokante prevenshòn di sangura na skolnan di fundeshi i di enseñansa spesial, ku ta disponé di tiki fondo pa hasi proyektonan ékstra na skol. Asina nos ta kompletá e sirkulo di edukashon di un manera duradero.

Pa redakshon:

Pa mas informashon i material di imáhen por tuma kontakto ku Maya Mathias (mathias@greenkidz.org, T + 5999 528 0445).



Vertegenwoordiging van Nederland in Aruba, Curaçao en St. Maarten
Ministerie van Binnenlandse Zaken en Koninkrijksrelaties



MENSING'S CAMINADA

Support the GreenKidz Foundation

Buy this colorful, educational activity book about mosquitos and support free and modern environmental education!

Naf. 17,50